

# KERATAN AKHBAR

TARIKH : 30 SEPTEMBER 2023  
AKHBAR : BERITA HARIAN  
MUKA SURAT : 4 & 5

## Subsidi bersasar bela rakyat, perkukuh ekonomi negara

# Subsidi bersasar bela rakyat, perkukuh ekonomi negara



Dr. Yacob Kim Leng

BANYAK negara mempunyai program perlindungan sosial untuk meringankan beban rakyat, terutama kumpulan berpendapatan rendah dan sederhana. Antara contoh program perlindungan sosial ialah pemberian tunai, penetapan harga siling barang keperluan serta subsidi minyak, elektrik, kesihatan dan pendidikan.


Di Malaysia, subsidi telah menjadi sebahagian daripada ekonomi negara sejak berpuak tahun sehingga rakyat sentiasa berharap kerajaan terus menyediakannya. Ini kerana rakyat terlalu biasa dengan perkhidmatan dan barang bersubsidi seolah-olah ia menjadi hak mereka yang tidak boleh dipisahkan.

Berikutnya usaha kerajaan untuk membetulkan kedudukan kewangan negara dengan mengimbangi hasil dan perbelanjaan, timbul gesaan agar sistem subsidi yang diamalkan sekaran diubah. Salat satu cadangan pembaharuan utama ialah menggantikan mekanisme subsidi puak yang memberi manfaat kepada semua, termasuk golongan berpendapatan tinggi kepada satu kaedah lebih fokus kepada kerperulungan yang memerlukan bantuan.

Perdana Menteri, Datuk Seri Anwar Ibrahim, membayangkan perubahan ini ketika membangun kajian separuh penggal Rancangan Malaysia Ke-12. Butiran lanjut dijangka diumumkan ketika pembentangan Bajet 2024 pada 13 Oktober depan.

Bagi memberi kefahaman lebih mendalam mengenai isu ini, Profesor Ekonomi dan Pengarah Program Pengajaran Ekonomi di Institut Jeffrey Cheah Asia Tenggara di Universiti Sunway Dr Yeah Kim Leng, yang juga anggota Jawatankuasa Penasihat Menteri Kewangan (ACFIN), menjelaskannya dalam bentuk soalan dan jawapan:

Rajah 1: Komponen Perbelanjaan Pembangunan Terpilih berbanding Bayaran Khidmat Hutang RM billion



Sumber: Bank Negara Malaysia

### 1 Sebesar manakah perbelanjaan subsidi pada 2022 dan apakah unjuran bagi 2023?

Kerajaan telah lama memberi subsidi kepada barang dan perkhidmatan asas bagi mungurangan beban rakyat. Antaranya ialah subsidi beras, tepung, minyak masak, ayam dan telur, elektrik, petrol, diesel, gas memasak, penjagaan kesihatan dan pendidikan.

Bagaimanapun, subsidi tidak menjadikan kos barangan lebih murah. Apa yang berlaku ialah penggunaan yang membayar sebahagian kecil daripada kos membeli barang tersebut, manakala sebilangan ditanggung kerajaan. Bahagian ditanggung kerajaan ialah yang besar dan tidak seharusnya begitu.

Di sinilah masalahnya. Selepas bertahun, kos tanggungan subsidi, termasuk bantuan sosial, semakin meningkat. Pada 2008, kos subsidi berjumlah RM35.2 bilion. Pada tahun 2022, ia meningkat kepada RM67.4 bilion, peningkatan hamir dua kali ganda.

Jumlah subsidi pada 2022 menyumbang hamir 4 peratus kepada Keluaran Dalam Negara Kasar (KDKN) Malaysia – iaitu jumlah nilai barang dan perkhidmatan yang dihasilkan, dan merupakan hamir 23 peratus daripada perbelanjaan mengurusan kerajaan. Dalam kata lain, hamir satu-perempat perbelanjaan mengurusan kerajaan. Dalam kata lain, hamir satu-perempat perbelanjaan mengurusan kerajaan digunakan untuk memberi subsidi, bukannya kepada perkara yang mungkin lebih produktif untuk negara.

Dari sudut lain, hamir satu-perempat daripada jumlah hasil kerajaan pada 2022 yang berjumlah RM234 bilion digunakan untuk subsidi. Ini

bermaksma, bagi setiap ringgit yang dikutip kerajaan, 30 sen disurarkan kepada subsidi.

Perbelanjaan subsidi yang diisytiharkan kerajaan pada 2023 adalah sebanyak RM56.6 bilion. Walupun lebih rendah berbanding peruntukan 2022, jumlahnya masih besar dan tidak seharusnya begitu.

### 2 Kenapa kerajaan tidak boleh teruskan apa yang sudah dilakukan sejak bertahun-tahun ini dan mengapa ia tidak lagi mampu?

Kita perlu lihat secara jujur keadaan kewangan negara sekarang. Hakikatnya, Malaysia berwalaupun melebihi pendapatan sejak 1970 kecuali lima tahun. Selama 48 tahun kewangan negara di tapah defisit. Mengamalkan belanjawan defisit bermakna kerajaan terpaksa meminjam. Sehingga akhir 2022, jumlah keseluruhan hutang kerajaan ialah RM1.08 triliun. Ini tidak termasuk jaminan kerajaan ke atas sejumlah agensi, yang jika dicampur menjadikan jumlah tanggungan keseluruhan hamir RM1.5 triliun.

Berapakah besarkah RM1.5 trillion? Ia sama besarnya dengan saiz ekonomi Malaysia. Kalau dibahagi kepada 32 juta rakyat Malaysia, setiap daripada kita berhutang sebanyak RM46,875.

Mempunyai hutang yang besar memang membebankan kewangan kerajaan. Pada 2022, kos bagi membayar balik hutang kerajaan ialah RM41.3 bilion. Lebih dari itu, hamir 20 peratus bayaran kadar faedah berakhir di luar negara.

Jumlah RM41.3 billion juga bersamaan 20 peratus hasil cukai. Dalam kata lain, bagi setiap ringgit yang kerajaan kutip, 20 sen adalah untuk

membayar faedah hutang sahaja. Keadaan ini tidak produktif kerajaan ia tidak menjana sebarang kesar limpahan kepada ekonomi.

### 3 Subsidi apakah yang besar dari segi perbelanjaan kerajaan?

Kerajaan memberi subsidi kepada banyak barang dan perkhidmatan. Bers kira yang dijual pada harga RM2.60 sekilog, ia adalah antara terendah di Asia Tenggara. Cij pesakit luar hospital kerajaan hanya RM1. Perbedaan rendah dan menengah pula percuma.

Kursus Sarjana Muda Perubatan dan Sarjana Muda Pembentahan di Universiti Malaya hanya perlu bayar RM14,990 untuk keseluruhan program – antara yang terendah di dunia – namun haru diilang bahawa sebahagian daripada kos ini tutup disubsi oleh kerajaan.

Malah, hampir keseluruhan bidang pendidikan diberi

subsidi walupun tidak dipanggil sedemikian. Bantuan diberi dalam bentuk Rancangan Makanan Tambahan (RMT), Bantuan Makanan Armas, Bantuan Makanan Prazekolah, Skim Pinjaman Buku Teks, Bantuan Awal Persekolahan dan Biasiswa Kecil Persekutuan.

Ini hanyalah beberapa contoh. Senarai barang dan perkhidmatan bersubsidi sebenarnya lebih panjang. Bagaimanapun, bahagian paling besar ialah subsidi bahan api elektrik.

Dua sektor ini menyumbang RM60.6 billion atau lebih 90% daripada jumlah perbelanjaan subsidi pada 2022. Untuk bahan api (diesel, petrol dan gas memasak) sahaja mencecah kira-kira RM50.8 billion (77 peratus), manakala subsidi elektrik pula berjumlah RM9.8 billion (14.8 peratus).

Apakah ertiini ini kepada rakyat? Jumlah RM60.6 billion itu jika tidak digunakan untuk

## Fakta Nombor

Perbelanjaan RM60.6 billion subsidi bahan api dan elektrik pada tahun 2022 sama dengan kos membina

**RM60.6 billion**



subsidi, boleh membina bersamaan 700 sekolah atau 120 hospital setahun. Bayangan betapa besar manfaatnya kepada rakyat, terutama di luar bandar.

#### **4 Di mana silaprya mekanisme subsidi pukal yang diamalkan sekarang?**

Di Malaysia, sebahagian subsidi, seperti untuk bahan api, diberikan secara menyeluruh di mana semua orang tanpa mengira latar belakang sosioekonomi mendapat manfaat.

Masalah subsidi pukal seperti ini ialah ia menguntungkan mereka yang paling banyak menggunakanannya. Parlimen baru-baru ini diberitahu, kumpulan T20 mendapat lebih daripada sepatutnya dalam subsidi bahan api. Mereka hanya 20 peratus daripada populasi tetapi menikmati 35 peratus subsidi bahan api.

Ini kerana keluarga berada yang mempunyai dua atau tiga kenderaan, akan menggunakan lebih banyak minyak berbanding keluarga kurang mampu yang hanya memiliki sebuah motosikal. Misalnya, dengan mengambil kira petrol RON 95 berharga RM2.05 seliter dengan kerajaan memberi subsidi RM1.50 seliter daripada kos setiap kereta pengangkang motosikal daripada golongan berpendapatan rendah yang menggunakan 100 liter sebulan hanya menikmati subsidi RM150. Bagaimanapun, keluarga berada dengan dua hingga empat kereta yang menggunakan 1,000 liter sebulan menikmati subsidi RM1,500.

Jadi, siap sebenarnya mendapat manfaat dari pada subsidi ini? Siap di antara dua pihak ini lebih layak mendapat bantuan kerajaan?

Satu masalah lagi ialah itu ketirisan. Berapakah kita melihat media melaporkan kereta negara asing masuk ke Malaysia untuk mengisi petrol RON 95? Ini kerana harga petrol di Malaysia jauh lebih murah berbanding negara jiran. Justeru, subsidi kita bukan saja tidak berkesan malah ia turut memanfaatkan warga asing. Kita

juga membaca berita mengenai kes penyeludupan diesel dan gas masak.

Subsidi elektrik pun serupa. Disebabkan harga sengaja dikekalkan rendah, kita tidak berjimat menggunakanannya sehingga melebihinya keperluan atau membazir elektrik. Sebagai contoh, penyaman udara dibuka sepanjang hari. Bagi firma perniagaan pula, tiada sebab bagi mereka melabur dalam peralatan cekap tenaga kerana harga elektrik murah.

Namun, bagi tenaga elektrik, kerajaan sudah mula melaksanakan subsidi bersden dengan mengenakan surcharge 10 sen setiap kWh kepada pengguna isi rumah domestik yang menggunakan lebih daripada 1,500 kWh sebulan.

#### **5 Apakah alternatif kepada subsidi pukal bagi kumpulan yang memerlukan bantuan?**


Sebenarnya banyak kaedah yang lebih berkesan untuk meringankan beban rakyat.

Satu contoh yang baik ialah penyeberian.

Apabila subsidi pukal yang tidak produktif dihapukan, akan berdampak menjejaskan ketara dalam tabung kerjaan. Sebagaimana daripadanya boleh dikembalikan kepada rakyat dalam bentuk pemberian tunai. Rakyat bebas menggunakanannya mengikut keperluan mereka, bukannya terhad kepada produk dan barang terphilip yang disubsidi oleh kerajaan.

Cara lain ialah melalui subsidi bersden di mana hanya kumpulan tertentu yang benar-benar memerlukan bantuan, dibenarkan membeli pada harga subsidi. Contoh yang baik ialah diskain pengangkutan awam bagi warga emas. Bagaimanapun timbul masalah iaitu kita mengehadkan subsidi hanya kepada produk/perkhidmatan itu, bukannya memberi kuasa kepada rakyat berbelanja untuk keperluan mereka. Sebagai contoh, warga emas yang tidak menggunakan pengangkutan awam tidak dapat menikmati subsidi. Begitupun, kaedah ini jauh lebih baik daripada subsidi pukal.

**Rajah 3: Subsidi Tenaga berbanding Inisiatif Ekonomi & Sosial Lain di bawah Perbelanjaan Pembangunan pada 2022**



Sumber: Bank Negara Malaysia

Harus diingat, bagi melaksanakan subsidi bersden dengan berkesan, sistem dan infrastruktur sokongan perlu disediakan untuk memastikan tiada penyalahgunaan. Sistem ini pun memerlukan penyelenggaraan dan pembenaran berkala.

#### **6 Adakah ini bermakna kerajaan akan menghapuskan semua subsidi?**

Saya tidak boleh bercakap bagi pihak kerajaan, tetapi pada pendapat saya kita tidak perlu menghapuskan semua subsidi.

Namun, memandangkan keadaan ekonomi semasa negara, pembaharuan subsidi perlu dilakukan segera. Saya percaya rombakan subsidi harus tertutup kepada barangan seperti petrol, diesel, gas

memasak dan elektrik kerana ia menyumbang lebih 90 peratus daripada perbelanjaan subsidi.

Dalam kes bahan api, mungkin cara berkesan dalam menangani impak pembaharuan subsidi ialah dengan mengelakkan Mekanisme Harga Automatik (APM), yang diperkenalkan sejak 1983. APM membantu menetapkan harga siling di pam tanpa mengira lokasi, sama ada di Tanjung Malim atau di Bangsar.

Oleh itu, jika kita mahu pembaharuan dalam subsidi bahan api, APM boleh digunakan untuk penetapan harga di pam apabila berlaku ketidakentuan harga minyak global. Ini yang dipanggil 'apungan terurus'.

#### **7 Sebanyak manakah penjimatkan jika kita hapuskannya subsidi pukal? Bagaimana rakyat, terutama yang berpendapatan rendah dan sederhana, mendapat manfaat daripada langkah ini?**

Pada 2022, kita membelanjakan enam kali lebih banyak untuk subsidi bahan api dan elektrik (RM60.6 bilion) berbanding pendidikan (RM10 bilion) dan 14 kali ganda daripada kesihatan (RM4.4 bilion).

Malah, jika dicampur perbelanjaan untuk inisiatif



ekonomi dan sosial, yang bukan sahaja merangkumi pendidikan dan kesihatan tetapi juga inisiatif lain seperti perkhidmatan sosial dan komuniti, pertanian dan pembangunan luar bandar serta perumahan (RM21.6 bilion), ia masih lagi kurang daripada separuh perbelanjaan untuk subsidi bahan api dan elektrik.

Sebenarnya rakyat akan mendapat lebih banyak manfaat jika subsidi bahan api dan elektrik dialihkan kepada perbelanjaan ekonomi dan sosial yang lain.

#### **8 Tidakkah penghapusan subsidi petroli, diesel dan elektrik boleh menyebabkan inflasi dan kenaikan harga barang lain?**

Sebagai ahli ekonomi, saya tidak menafikan bahawa pembaharuan sistem subsidi akan mendorong inflasi.

Bagaimanapun, banyak cara untuk mengurangkan kesan inflasi akibat pembaharuan subsidi. Satu daripadanya seperti dinyatakan tadi iaitu menggunakan mekanisme penetapan harga 'apungan terurus' (APM) untuk menyeragamkan harga bahan api.

Kedua, pengurusan perlu diperketatkan. Kerajaan telah puas menetapkan harga siling bagi barang dan perkhidmatan penting tertentu. Kita perlu memastikan harga siling ini dipatuhi. Perlu


ada cara untuk orang ramai memainkan peranan dalam perkara ini - contohnya, melaporkan kenaikan harga yang tidak realistik atau aktiviti penyeludupan dalam kes diesel dan gas masak.

Lebih penting lagi, seperti beberapa kali ditegaskan oleh Perdana Menteri, kita mestilah mencari jalan untuk mengatasi sebarang kesan inflasi terutama kepada kumpulan berpendapatan rendah. Langkah ini selaras dengan kerangka Madani, terutama di bawah nilai teras Ihsan.

Justeru, satu mekanisme perlu diperkenalkan bagi membolehkan golongan masyarakat yang rentan seperti kanak-kanak dan warga emas, terus dibaiki melalui skim bantuan sosial lebih baik, sama ada dalam bentuk pemberian tunai secara langsung atau subsidi bila menggunakan kemudahan disediakan kerajaan.

Matlamatnya mestilah untuk meringankan beban rakyat. Lebih penting lagi ialah membebaskan rakyat daripada belenggu kemiskinan dan pada masa sama menyediakan jaringan keselamatan sosial tanpa menjadikannya marah mereka. Akhirnya, agenda lebih besar ialah membantu rakyat memperbaiki kehidupan melalui penyediaan pelbagai peluang bagi membolehkan mereka mengoptimumkan potensi masing-masing.

**Rajah 2: Harga petrol berbanding negara lain**  
RM/Liter (dikemas kini pada September 2023)



Sumber: www.globalpetrolprices.com